

Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
KANTONALNI SUD U ZENICI  
Broj:004-0- Su Spi-17-000 053  
Zenica, 16.10.2017.godine

Na osnovu člana 14. stav 2. Zakona o slobodi pristupa informacijama u Federaciji Bosne i Hercegovine („Službene novine Federacije Bosne i Hercegovine“ broj: 32/01 i 48/11), odlučujući o zahtjevu novinarkе Sadete Bajrović, Centar za istraživačko novinarstvo Sarajevo, za dostavu podataka o činjenici da li se vodio ili vodi postupak pred Kantonalnim sudom u Zenici protiv osoba: Mehmedović Šemsudina, Kasumović Fuada, Čavara Marinka, Ramić Edina, Džaferović Šefika i Zovko Mate, zamjenica službenika za informisanje Kantonalnog suda u Zenici - stručna saradnica Senija Dizdarević-Bajramović, dana 16.10.2017. godine, donijela je:

**RJEŠENJE**  
o dozvoli pristupa informacijama

I

ODOBRAVA SE pristup informacijama podnositeljici zahtjeva novinarki Sadeti Bajrović, Centar za istraživačko novinarstvo Sarajevo, na način da se ista obavještava o slijedećem:

1. Presudom Kantonalnog suda u Zenici broj K-45/04 od 03.06.2005. godine optuženi Mehmedović Šemsudin je oslobođen optužbe da je počinio krivično djelo Zloupotrebe položaja ili ovlasti iz člana 358. stav 3. u vezi sa stavom 1. KZ F BiH. Rješenjem Vrhovnog suda Federacije Bosne i Hercegovine broj Kž-506/05 od 16.05.2006. godine žalba kantonalnog tužitelja u Zenici se uvažava, pa se Presuda Kantonalnog suda u Zenici broj K-45/04 od 03.06.2005. godine ukida i u ovom predmetu određuje održavanje pretresa pred Vrhovnim sudom Federacije Bosne i Hercegovine. Presudom Vrhovnog suda Federacije Bosne i Hercegovine broj 070-0-Kžk-06-000011 od 31.01.2007. godine optuženi Mehmedović Šemsudin, sin Saliha, oslobođen je optužbe da je u vrijeme, mjesto i na način opisan u izreci te presude učinio krivično djelo zloupotrebe položaja ili ovlasti iz člana 358. stav 3. u vezi sa stavom 1. ranijeg Krivičnog zakona Federacije Bosne i Hercegovine.
2. Uvidom u K upisnike Kantonalnog suda u Zenici u periodu od 1993. godine do zaključno sa danom 16.10.2017. godine, utvrđeno je da su se protiv Mehmedović Šemsudina vodili predmeti pod brojem K-17/03 i K-38/03, a za koje predmete se Rješenjem broj Kv.77/03. od 17.6.2003. godine Kantonalni suda u Zenici oglasio stvarno nenadležnim za vođenje postupka i donošenje odluke u krivičnom predmetu protiv optuženog Mehmedović Šemsudina zbog krivičnog djela zloupotrebe položaja ili ovlasti iz člana 358. stav 2. u vezi sa stavom 1. i u vezi sa članom 23. KZ FBIH po optužnici Kantonalnog tužilaštva u Zenici broj Kt.1/02 od 12.05.2003. godine. Po pravomoćnosti ovog rješenja spisi krivičnog predmeta će biti ustupljeni na nadležan postupak Općinskom sudu u Zenici. Rješenje Kantonalnog suda u Zenici broj Kv.77/03 je potvrđeno Rješenjem Vrhovnog suda Federacije Bosne i Hercegovine broj Kž 346/03 od 05.08.2003. godine.

3. Uvidom u K upisnike Kantonalnog suda u Zenici u periodu od 1993. godine do zaključno sa danom 16.10.2017. godine, nije vođen, niti se vodi krivični postupak protiv osoba: Kasumović (Abdulah) Fuad, Čavara (Nikola) Marinko, Ramić (Kadro) Edin, Džaferović(Salih) Šefik i Zovko (Ivica) Mato.

## II

Podnositeljica zahtjeva novinarka Sadeta Bajrović, je dužna podatke iz tačke I ovog rješenja koristiti samo u istraživačke svrhe i ne smije zloupotrijebiti njen sadržaj koristeći je u druge svrhe.

### O b r a z l o ž e n j e

Novinarka Sadeta Bajrović, Centar za istraživačko novinarstvo Sarajevo, je dana 16.10.2017. godine ovom sudu podnijela zahtjev za pristup informaciji o činjenici da li se vodio ili vodi postupak pred Kantonalnim sudom u Zenici protiv osoba: Mehmedović Šemsudina, Kasumović Fuada, Čavara Marinka, Ramić Edina, Džaferović Šefika i Zovko Mate, te ukoliko se vode postupci na šta se odnose i u kojoj su fazi.


U postupku odlučivanja po zahtjevu utvrđeno je da ne postoje smetnje da se dozvoli pristup traženoj informaciji - dostavi navedenih podataka iz tačke I ovog rješenja na način da se detaljnom analizom traženih podataka u CMS bazi ovog suda i manuelnom provjerom Krivičnog upisnika za period od 1993. godine do zaključno sa 16.10.2017. godine, a nakon izvršene provjere od strane Višeg referenta za upravljanje predmetima u krivično-pravnoj oblasti, utvrdilo da je: Presudom Kantonalnog suda u Zenici broj K-45/04 od 03.06.2005. godine optuženi Mehmedović Šemsudin je oslobođen optužbe da je počinio krivično djelo Zloupotrebe položaja ili ovlasti iz člana 358. stav 3. u vezi sa stavom 1. KZ F BiH. Rješenjem Vrhovnog suda Federacije Bosne i Hercegovine broj Kž-506/05 od 16.05.2006. godine žalba kantonalnog tužitelja u Zenici se uvažava, pa se Presuda Kantonalnog suda u Zenici broj K-45/04 od 03.06.2005. godine ukida i u ovom predmetu određuje održavanje pretresa pred Vrhovnim sudom Federacije Bosne i Hercegovine. Presudom Vrhovnog suda Federacije Bosne i Hercegovine broj 070-0-Kžk-06-000011 od 31.01.2007. godine optuženi Mehmedović Šemsudin, sin Saliha, oslobođen je optužbe da je u vrijeme, mjesto i na način opisan u izreci te presude učinio krivično djelo zloupotrebe položaja ili ovlasti iz člana 358. stav 3. u vezi sa stavom 1. ranijeg Krivičnog zakona Federacije Bosne i Hercegovine.

Također, uvidom u Krivične upisnike Kantonalnog suda u Zenici u periodu od 1993. godine do zaključno sa danom 16.10.2017. godine, utvrđeno je da su se protiv Mehmedović Šemsudina vodili predmeti pod brojem K-17/03 i K-38/03, a za koje predmete se Rješenjem broj Kv.77/03. od 17.6.2003. godine Kantonalni suda u Zenici oglasio stvarno nenadležnim za vođenje postupka i donošenje odluke u krivičnom predmetu protiv optuženog Mehmedović Šemsudina zbog krivičnog djela zloupotrebe položaja ili ovlasti iz člana 358. stav 2. u vezi sa stavom 1. i u vezi sa članom 23. KZ FBIH po optužnici Kantonalnog tužilaštva u Zenici broj Kt.1/02 od 12.05.2003. godine. Po pravomoćnosti ovog rješenja spisi krivičnog predmeta će biti ustupljeni na nadležan postupak Općinskom sudu u Zenici. Rješenje Kantonalnog suda u Zenici broj Kv.77/03 je potvrđeno Rješenjem Vrhovnog suda Federacije Bosne i Hercegovine broj Kž 346/03 od 05.08.2003. godine.

Prema izjavi Višeg referenta za upravljanje predmetima u krivično-pravnoj oblasti, a nakon izvršenog uvida u Krivične upisnike Kantonalnog suda u Zenici u periodu od 1993. godine do zaključno sa danom 16.10.2017. godine, nije vođen, niti se vodi krivični postupak protiv osoba: Kasumović (Abdulah) Fuad, Čavara (Nikola) Marinko, Ramić (Kadro) Edin, Džaferović (Salih) Šefik i Zovko (Ivica) Mato.

Podnositeljica zahtjeva dužna je da se pridržava ograničenja iz tačke II ovog rješenja, te dostavljene podatke smije koristiti u istraživačke svrhe i ne smije zloupotrebjavati njihov sadržaj.

Na osnovu iznesenog, a primjenom člana 14. Zakona o slobodi pristupa informacijama u Federaciji Bosne i Hercegovine, odlučeno je kao u izreci ovog rješenja.



Zamjenica službenika za informisanje  
Senija Dizdarević-Bajramović

Pouka o pravnom lijeku:

Protiv ovog rješenja može se izjaviti prigovor  
predsjednici Kantonalnog suda u Zenici  
u roku od 8 dana od dana prijema rješenja.

Dostavljeno:

1x Centar za istraživačko novinarstvo  
n/r Novinarka Sadeta Bajrović, u elektronskoj formi  
1x Su Spi arhiva